

巢經巢全集

第一函
九冊

巢經巢詩鈔後集卷五

遵義 鄭 珍 子尹

古今體詩七十九首

次韻答祁春圃相國東莫邵亭兼寄鄙人之作

以下辛酉

書爲苦兒豈足陳何期領可到平津師承久負程中允名字虛同尹道真願有
孫陽都號駿寶非姑妹不爲珍自今仰見團圓月便想饒飢獨樂人

東華回首跡都陳悔不當時走問津老學益知經笥熟近儒頗喪禮堂真白頭

孤陋憑誰質綠野眠餐善自珍五十餘年傳業盡後來應待上樓人

相國促余
禮箋早就

稿

抽釐哀

東門牛截角西門來便著南門生吃人北門大張豪官格高懸字如掌物物抽
釐助軍餉不論儵絃十取一大買盛商斷來往一叟擔菜茹一叟負樵蘇一嫗

提雞子一兒攜鯉魚東行西行總抽取未及賣時已空手主者烹魚還淪雞坐
看老弱街心啼噫吁噓買束布者不能得一匹贏售卧鹽者亦不得贏一升釐
金大抵恃商販欲入閉門焉可行村民租銖利有幾何況十錢主簿先奉已縱
得上供已微矣乃忍餉爾餓豺以赤子害等邱山利如米嗚呼貫率括率有時
可暫爲盍使桑兒一再心計之

吉堂老兄示所作鹿山詩草題贈

晨起讀君詩一二已心訝再進眼忽開益讀益余嚇世久少此聲今乃遇之乍
不能盡陽元信有如此射君本學道人苦志求義畫思極神鬼通孔子告深夜
我觀大有圖不在九師亞半世寒餓中失小得者大六經何鏗鏗德容又蘊藉
規行而矩步使我愛而怕每言及六詩輒以不敏謝由來掣經徒吟詠非所暇
我因信其然豈謂特自下此氣韓之氣此話杜之話君胡不早出令我得避舍
交米三十年始知真可詫茲事誠小技亦從學養化世有岷岷源江河自輸寫

俗論故不爾只解摘螭蛇我生誠足笑漫詛窺牖罅桓死文未興宋襄亦聊伯
老矣悔少作旣出隨人罵然詩之佳惡意殊不爭價百年有恆產未死任羣穢
如君誠餘事願且甘出勝大道夜行燭還求肯余借

愷案寫稿作篇老矣旣出
前鈔稿錯今依墨稿改正

自訟

不識何髡民不識何自來不識何心想打包郡城隈日持相人術誘脅叟及孩
紛紛競傳語歷歷無一乖搢指決修短聽聲知福災已往旣可信未來甯復猜
我少讀非相老益尊呂才口不談珞琰面不臨鏡臺聞此心頗動遇之鄰友齋
降詞復假色令以吾年推彼乃唱腐偈悅我及黃鯨蕭兄時在座了不關其懷
於彼無理鬧知是何鳴蛙徐徐我默悔此誠不值咍藐藐生之初五福受已賅
奈何使髡殘評辱吾官骸百年豈不識先覺先我開生盡天所命死爲地所埋
奈何要前知卽知何用哉抑且壽與折非以年算裁蹈目何曾炯顏髮何曾衰
奈何不自信毫及良可哀人老多憂懼禍福爲之媒卽此已足見奈何返自崖

蕭君誠篤道得不慚愚駭漫寫訟吾過自警非詩牌

體案
前抄誤告

送瓜詞六首

郡俗艱子者親友以中秋之夕偷小瓜裹以文綵送其家或潛納被底及臥乃覺之往往有驗郡城則令小兒衣冠負瓜或騎馬燈燭簫鼓前導自前三日卽紛然亦樂事也爲賦詞

一瓜偷摘謝園官便作奇珠掌上觀纔識康瓠真是寶天公也要洗眸看
鉦鼓轟天紙爆逐兒童逐隊鬧如雷漫嘲此俗全無謂都自縣縣一句來

笑接青團便撫摩明朝覓蒂惱園婆要知根種生來好只到投胎咒罵多

俗以
得瓜

主惡罵
爲吉兆

人世誰甘伯道愁都思百子甕中求含情最是新來婦倚戶癡看不掉頭

先生老去愛兒嬉也逐投瓜雨不知一笑明年湯餅會論功我似介之推

俗送
罷卽

歸果驗
招前客

送了人家獨子青瓜名歸來明月可中庭笑看牛女東西對同抱瓠瓜一顆星

過寒振士號齋觀畫不值獨坐書此

兀悶無與適古懽念王孫主人不知處也當入桃源謂趙承旨桃源圖

清明忽中秋客意感佳節不羨上河人祇愛今夜月謂仇實父上河圖

寒一士號秦晉遊草題詞四首

一鞭幽冀及雍梁萬里歸來詩滿囊牽手秋風悅公嫗轉頭如夢識真鄉

柿岡死烈亦前定殺氣常流聲詠間猶勝詩人王少伯傳芭終作國殤還

世界漠漠天陰陰荆榛塞目狐鬼吟酒酣一曲山梨樹共爾遙遙千古心草中

歌最住

而翁有子帝有良此稿堪繼夢硯唐他日編君殿忠孝元戈長使近文昌余編刻

雅終於唐子方先生今擬以一士完此卷一士祠在東新城文昌宮後

賀儀軒生曾孫

熙甫好作祝壽詞柴翁喜爲髯頭詩人生既老復何說落地成珠乃可期文章
薪火要世守天地維柱須人支景升兒子百千輩蠕蠕食動何能爲羨君年今
六十四曾孫之雛已第二手種查梨盡成實待辦豫章七年事一笑題詩自古
無君看用意未全疏他日文權恐不見湯餅須知到老夫

唐蹇遵品著春秋文權七卷

蕭吉堂二兄孟冬朔七爲覽揆之日守程朱教謝客其明日乃招余飲禮

也然而其壽自在書鄙句攜往醉之

我思北山恨生遲生見酉陽還幼時力學清修數時輩杜陵男子心所師
說者誰盡義文意吾知必傳大有圖醜舫老人儻得見應道自來談易無
百年未滿不得死韓子此語真奇恢我道百年亦易滿煩君並數甕董來

搖筆冥冥寒雨巾紙方過寸意無窮五百年後作跋語留與何人思兩翁

謹按詩後

錄紙後七年爲唐鄂生跋云吉堂子尹皆與余契今年冬余納節還蜀道播州吉堂過訪出示予尹此紙向爲吉堂壽者距子尹沒已七年矣予尹學禮吉堂學易

皆專家有成書吳時搜求遺逸固卓然爲南中文獻而余讀書無
成功業不就年甫踰四十又衰且病以視兩君且懼且慚唐炯跋

移民哀

樂安上流六十里避賊移民去如蟻經巢一叟攜老妻亦雜其間溯江水人多
徑窄時不通十步徐行九步止嗚呼樂安戶口能幾何一路且然想空矣若賊
初來侵我疆但集此路幾里之逃眈縱不殄除亦驅出何至乃爾誰實貽之殃
傷心哉鄧令推去樊守來茸裘當門揖且開團局奴趨楊總管令守父事田欽
差外邊賊日規我肉內間只解抽釐穀樂安民窮歲禦賊偏又今年旱乾獨有
者全輸湯火糧無者苦抱銀鐺哭山團既破潰壩團鑼擊碎督禦自攜糧百呼
無一至守土經旬如未聞局司團長皆潛奔百里連山賊紛下顧此散衆安能
軍噫吁噓樂安殺賊素有名遵義所恃爲長城前年賊及禹門山斫賊如瓜不
聞聲秦營楊營費鉅萬半歲不聞出一兵去秋樂安三百丁一日龍水破九營
不因秦令阻越境那許塋山遺藥萌一誤復再誤春來賊飢不可度草根食盡
食人肉大疫復行尸滿谷樂安策期誓滅賊更莫放令及秋熟不費官家半錢

及粒米亦不望論功告身一張紙但求不科擅舉罪使衆安眠事耘耔老夫當時生熱腸萬言指畫言之詳豈知殺賊必官練謔謔反笑余風狂到今樂安一片賊令守受替方屏當歎息徒令百姓苦君門天高奈何許北風吹日江水寒女蹟兒顛號滿路嗚呼萬家逃去將安歸但活一朝父子忍死莫相離

步六十里至螺水

賊近無三里攜家走壻鄉風寒千丈髮江急九迴腸

螺江九曲

救死行偏健依親老

暗傷不知歸得未回首意茫茫

初四日視于伯英大令於皂角堰適其熟寢遂歸新州場橋頭寺諸賊營昨夜方奪得

艷聽雪夜走貔貅徑取新州似蔡州訓虎人歸餘石室捉螭手冷度橋頭賊旁

熟睡君真勇火際安行我亦優

賊正焚堰近人家

爲語么磨休穴覩已看沈慶到茹邱

潘家壩除夕

昔我遠遊時屢嘗值茲夕孤身感異鄉自慰意還釋今來北村寓家雖一程隔
妻子復滿前時事異疇昔地爐止憂坐苦念里中賊開門向東望積雪一片黑
數日斷家書變故不可測墓廬繞梅花兩月去如擲向來今夕例燈火明兆域
弟姪奔命餘知無山中跡百感集茫茫寒雞漸膈膈那知爲守歲自是眠不得
開歲三日破雪出野蕙堪度洪江明朝至山堂五宿墓下將返北村有述

以下壬戌

岡原積尺雪路自我後生兩日八十里徑達親所塋隔溪望午山松柏猶青青
鄰曲見我揖喜尙記新正各言于公至辦賊有章程比來賊亦緩行見巢窟傾
歲前始敢歸尙閤婦與嬰慘淡凌去聲中語田冰風刮稜墓廬無人守冷寂門
不扃諒卒自搜掠壁破色籬崩園中盡萊根室內無瓶罍惟牘四部書兀兀列
縱橫山後柵棚黑東西布連營當晝畏是響嚮晨聞戰聲空房夜淅淅肅然鬼
挑燈孤歸絕依倚况乃刀槍明踟躇攀宰木欲去不忍行如何更小住含辛理

行滕

聞初十日賊據禹門寺縱燒諸村

雪公敷坐舊精廬二百年來瓦雀無

禹門素無瓦雀

豎子開門揖羣盜世尊無法化貪

夫如山米聚甯艱食叩地人哀實有徒燒爾幾家由自取村村如洗盡何辜

賊伺

聞自長坡坎斃架坎入近園潰遂以次進時通平里饒禹門六七百石山農潰出者約二千人乞選形給糧拒擊之不得乃至是也

十四日子行弟以三更與甥姪至潘家壩五更復返買蕭壩迎兒媳

趁墟人返說家村聞賊新燒衆已奔正恐語真愁不睡忽驚弟到慘何言寒溪

冰去聲骨前宵涉生徑尋兄半夜捫八十里途三碗飯雞鳴還去意昏昏

聞望山堂以十七日爲賊燬書示兒

室場不作子孫圖自挈家行有若無火盡村居何況此但求冢木免焦枯

貧家萬卷得來難連屋成灰也可數細算十三年七十縱存能盡一回看

聞破闌牛坎諸賊營

飛軍插翅入層山捷報喧騰百里間穩計園林歸有路安排弟妹喜開顏及今

麥豆猶餘望在所流移可急還便掃禹門通八節直清板角到三關

樂安境北極板角關

南經入節灘極上
度中度下度三關

喜樂安賊出境

去日倉皇守墓號樂安恐便似胡刀豈期百日氛全靖幸免三年衆尙逃

樂安唐樂

安樂地謂潭之隔刀水唐胡
刀縣地彼爲賊據已三年矣

洗甲臨江拋黑稍歸旗卷雨映紅桃却思善後艱

難極獨立春風首重搔

送弟妹至潘家壩歸

流離弟妹各牽衣淚灑還鄉事盡非切數難逃嗟已過破殘休怨喜能歸支篷

勉爲耕栽住食氣聊充早晚饑太息禹門方賣穀萬人皮爛幾家肥

借啓秀書院粗整腐敝移家來居

家具雖貧不滿車九旬三徙病何如圖書且借南庠住林木終懷北海居難卽

故人分祿米取從鄰舍乞園蔬側身東望還悽絕守暖松楸廿載餘

借啓秀書院居新入舉火獨夜誦少陵題衡山縣新學堂詩感念湘川講

舍之廢因次其韻呈蹇儀軒臣蕭吉堂光遠兩長兄

五聖一迷望十載悲世事孔日雖行天色爲太白悴救死衆不贍名教鮮樂地
拊心到甯越衿佩宜廣志湘川灰礫餘述業無馬肆邦君不暇給粲粲自末至
試堂勉祭菜孰敢餽羊棄吁嗟桑衛興頓喪文高意鯁生亦何有六籍迷大義
謬膺待問責鐘窰扣仍闕巢拙此東頭欹朽尙茨墜緬昔藥園舊層構何高遠
兩橫讀書聲夜聳不狼氣角巾廁其間人道眉刷翠最憶劉祠下丹芝照階屺

焉知四十年陳迹無髣髴

嘉慶丁丑戊寅臨川李鄴芸先生主湘川講席於後
堂庭左右雜蒔花竹名之藥園時劉研莊太守祠前

苗芝數莖余課隙輒頑嬉其
間自戊寅秋歸不復見矣

孤鐙射頽壁蒼茫集遙思白頭作學生猶是兒時

味高詠杜陵篇慨撫補山記

乾隆廿八年孫補山先生撰此院記石尙未泐

陸宰豈異人銷兵冀扶墜

啓秀書院十詠

破齋

兵氣昏俎豆老塾獨巋然鬼知嚴其師窻窳一夜遷糞除出光地補塞爭漏天
俯念藐藐身仰思千載前於吾良已幸尙媿此數椽

頽堂

崖山欲拄地樓落壁亦腐吁嗟講堂額猶挂中間雨葺茲九十年竟鮮後來補

一食減方丈五架見州序落月照鳴琴後堂罷歌舞

堂葺於乾隆壬辰縣令沈虛谷

古井

澄甃右階下源來碧雲峯苔草綠其邊遊魚若行空時臨鑒眉髮窺天無終窮
澡手搖清光舉頭月出東因知湛然心不在紛埃中

菖蒲

山翁與山習舉手帶野顏菖蒲自誰種翳鬱依荒垣分蒔中唐側日滋井華鮮
韓子去已久尙想嵇與堯君看綠沈槍夾道不可干

紫竹

清絕王子猷所在輒蒔竹世人黃金目此君那肯矚前日負三箇自家種皆足
道遠瘁其葉紫玉自森肅悠悠栽植心取笑任時俗

浮萍

井流周堂下緣霽皆成渠萍點初若星久之如罽敷積雨溢中陳其下生小魚
喜茲助野興復得蓋庭污擬買鵝兒黃晴天眠綠飢

老桃

曲桃有嘉實卷出壞垣上去此廿五年不枯亦不長當時同盤人忽忽已長往
一日上千回童心猶憶曩白首感孤生臨風獨悽愴

矣

道光丁酉余掌此院攜二
若第就讀今其死已三年

榴花

城居罕花樹夙意殊未得一枝紅鸚鵡突出講堂極何地無菁華不賞亦虛擲

移几坐高背把卷對日夕有者自不知物希乃深惜

歲漿

苦雨庭下水寒歲長芊眠細葉似狗足綠莖高下拳縮眼作畫觀滿塘荷葉圓
此草世不識乃近書櫃前物固無貴賤適時信爲賢

敝帳

少時不識牀老乃畏蚊噬亦嫌厚稠密儻若棺裏置紗厨有若無內外無憑蔽
相隨三十年百補未能棄一笑絳帳中豈有天理字

伯英觀察新建書帶講堂成卽舊啓秀堂地也或云可以徙居適讀裕之
先生戲題新居詩其事頗合因次其韻

泥水不難學者助正爲世無蘇子故求飽無時更求安匪直也愚亦太固我生
行事老益見天不我巢留一柱借人破塾苟生全朽漏暇作巖牆慮妻孥懼我
增感念絕口不及午山樹那識妙明清靜心久已無還亦無住賢尹能從掇甲

餘廣業謀開學士路廢頭立宅豈吾堪廐舍開除原不誤眼中突兀見此屋木
石丁丁幾朝暮百年委廢一旦舉自此橫經無蹙步旁人謂我盍就新遷置遺
燒脫昏污豈知山長在今日憎愛從人等傭雇况茲久假會有歸又可主鐙而
客釜風幃雨面誠足羞吾亦何能改恆度人生棲迹甯有定好惡止爲閣身處
觀察自足凍少遊遠婉回軒閤巷戶我意竊跂劉子珪幸作講堂差免懼早晚
書聲壓金革三餘庶足寬董遇胸中廣廈語徒然天地一身誰暇顧舉杯醉和
遺山翁新月西林一鉤吐

贈于伯英

鍾岳大令

東野受材固雄鶩孟俠豈足當韓豪長怪韓公肯低拜倚松自謂慚青蒿君今
於我復似此驚顧使我失所操海內論詩至今日淺狹未免難爲篙乾坤大氣
鎮常在必有一手牽六鼇小詩耳耳竟何有差覺不爲時俗臊此事如何漫推
我可憐甚愛忘訾警雖然亦自有甘苦巨眼若燭安能逃古來作者盡殊別李